

四庫全書

史部

欽定四庫全書

史部

欽定續通志

總目  
卷一至三

主事臣尹壯圖覆勘

總校官原任侍講臣王燕緒

欽定四庫全書

欽定續通志總目

唐本紀 凡八年八卷

卷一至卷十八

五代本紀 凡六卷

卷十九至卷二十四

宋本紀 凡十六卷

卷二十五至卷四十

遼本紀 凡六卷

卷四十一 至 卷四十六

金本紀 凡十卷

卷四十七 至 卷五十六

元本紀 凡十四卷

卷五十七 至 卷七十

唐后妃傳 凡三卷

卷七十一 至 卷七十三

五代后妃傳 凡一卷

卷七十四

宋后妃傳 凡三卷

卷七十五 至 七十七

遼后妃傳 凡一卷

卷七十八

金后妃傳 凡一卷

卷七十九

元后妃傳 凡一卷

卷八十

氏族畧

凡八卷

卷八十一 至 卷八十八

六書畧

凡四卷

卷八十九 至 九十二

七音畧

凡四卷

卷九十三 至 九十六

天文畧 凡六卷

卷九十七 至 卷一百二

地理畧 凡七卷

卷一百三 至 卷一百九

都邑畧 凡一卷

卷一百十

禮畧 凡八卷

卷一百十一 至 卷一百十八

謚法畧

凡三卷

卷一百十九

至

卷一百二十一

器服畧

凡五卷

卷一百二十二

至

卷一百二十六

樂畧

凡三卷

卷一百二十七

至

卷一百二十九

職官畧

凡十卷

卷一百三十

至

卷一百三十九



選舉畧

凡四卷

卷一百四十至卷一百四十三

刑法畧

凡八卷

卷一百四十四至卷一百五十一

食貨畧

凡四卷

卷一百五十二至卷一百五十五

藝文畧

凡八卷

卷一百五十六至卷一百六十三

校讐畧

凡一卷

卷一百六十四

圖譜畧

凡二卷

卷一百六十五

至

卷一百六十六

金石畧

凡四卷

卷一百六十七

至

卷一百七十

災祥畧

凡三卷

卷一百七十一

至

卷一百七十三

昆虫草木畧 凡七卷

卷一百七十四 至 卷一百八十

唐宗室傳 凡六卷

卷一百八十一 至 卷一百八十六

五代宗室傳 凡一卷

卷一百八十七

宋宗室傳 凡三卷

卷一百八十八 至 卷一百九十

遼宗室傳

凡二卷

卷一百九十一 至 卷一百九十二

金宗室傳

凡六卷

卷一百九十三 至 卷一百九十八

元宗室傳

凡二卷

卷一百九十九 至 卷二百

唐列傳

凡八十卷

卷二百一 至 卷二百八十

五代列傳

凡十六卷

卷二百八十一

至

卷二百九十六

宋列傳

凡一百二十卷

卷二百九十七

至

卷四百一十六

遼列傳

凡六卷

卷四百一十七

至

卷四百二十二

金列傳

凡二十四卷

卷四百二十三

至

卷四百四十六

元列傳

凡五十四卷

卷四百四十七

至

卷五百

外戚傳

凡七卷

卷五百一

至

卷五百七

忠義傳

凡十五卷

卷五百八

至

卷五百二十二

孝友傳

凡四卷

卷五百二十三

至

卷五百二十六

獨行傳 凡三卷

卷五百二十七 至 卷五百二十九

循吏傳 凡五卷

卷五百三十 至 卷五百三十四

酷吏傳 凡一卷

卷五百三十五

孔氏後裔傳 凡二卷

卷五百三十六 至 卷五百三十七

儒林傳

凡十六卷

卷五百三十八

至

卷五百五十三

文苑傳

凡十四卷

卷五百五十四

至

卷五百六十七

隱逸傳

凡六卷

卷五百六十八

至

卷五百七十三

宦者傳

凡六卷

卷五百七十四

至

卷五百七十九



藝術傳

凡六卷

卷五百八十至卷五百八十五

佞幸傳

凡三卷

卷五百八十六至卷五百八十八

列女傳

凡五卷

卷五百八十九至卷五百九十三

載記

凡十二卷

卷五百九十四至卷六百五

貳臣傳 凡六卷

卷六百六 至 卷六百一十一

姦臣傳 凡八卷

卷六百一十二 至 卷六百一十九

叛臣傳 凡七卷

卷六百二十 至 卷六百二十六

送臣傳 凡八卷

卷六百二十七 至 卷六百三十四

四夷傳凡六卷

卷六三十五至卷六百四十止

臣等謹案

欽定續通志六百四十卷乾隆三十二年奉

勅纂其紀傳自唐始諸畧自五代始因鄭樵舊目

叅攷同異斟酌損益之有鄭志所無而增補

者有鄭志所有而刪併者各於本門小序詳

述端委竊惟作史之要貴於體例精嚴褒貶

至當為天下後世立網常名教之準我

皇上御批通鑑輯覽出以獨斷衡以大公為前代

史論所未有

御製全韻詩舉歷代帝王得失炯鑒據事直書誠

皆千古定評足為萬世法戒謹於各卷內備

載

御批兼以

全韻詩註意依次節叙若夫尊師重道教化之原

皇上於明史命立衍聖公傳所以表章聖裔也今則於通志立孔氏後裔傳事君致身倫紀之大

皇上於

國史別編貳臣所以樹臣道之大防為古今之通義今則於通志依例立貳臣傳其奸臣叛臣逆臣名本唐書義昭鈇鉞並為增輯以正彛倫此皆鄭志所無而增補者鄭志有年譜

有異姓世家有游俠刺客滑稽貨殖諸傳或  
併或刪不妨從闕至其氏族以下二十畧樵  
雖殫見洽聞蒐羅未盡蓋綜核名物博採為  
難哉

朝稽古右文圖書大脩近復廣蒐海內藏書編  
羅四庫取資既富攷据易精茲所續纂如藝  
文則以著錄存目分編於各書之下圖譜則  
以記有記無統列八門皆本四庫全書以資

討索他如周秦鐘鼎漢唐銘刻散布海宇方  
域限之樵之闕畧亦時地為之也我

朝鴻圖式廓車書大同雖在流沙萬里之外如漢  
裴岑唐姜行本紀功之碑並在巴里坤為自  
來好古者所未得見今官吏往來皆得手摩  
其文又况直省之採求者哉茲所續金石畧  
補唐以前者十之三今有者十之五記無者  
十之二洵乎鄭樵所不能望見者也昆蟲草

木羽翼注疏不可以朝代限今攷之全書統  
為採綴即食貨刑法災祥諸畧於唐事未備  
者亦採新舊唐書增之並以補鄭志之闕焉  
凡茲義類志本

睿裁較之樵書實更精覈自本紀后妃傳而外為  
畧二十為傳二十有二都六百四十卷乾隆  
五十四年正月恭校上

總纂官臣紀昀臣陸錫熊臣孫士毅



總校官臣陸費墀



職名

三通館總裁

經筵日講起居注官大學士兼翰林院掌院學士臣嵇璜

經筵講官吏部尚書管理國子監事務臣劉墉

兵部尚書臣王杰

經筵講官戶部尚書管理順天府府尹事務臣曹文植

纂修兼總校官

日講起居注官翰林院侍講學士臣曹仁虎

翰 林 院 侍 講臣 蔡廷衡

翰 林 院 編 修臣 祝德麟

武英殿纂修翰林院編修臣 陳嗣龍

翰 林 院 編 修臣 黃瀛元

翰 林 院 編 修臣 陳昌齊

翰 林 院 編 修臣 程槐

纂修兼校對官

日講起居注官翰林院侍讀學士臣 陸伯焜

署日講起居注官翰林院侍講學士臣吳璫

翰林院侍講臣陳萬青

翰林院編修臣勵守謙

翰林院編修臣秦泉

翰林院編修臣李潢

翰林院編修臣余集

翰林院編修草職留任臣汪鏞

翰林院編修臣王春煦

翰

林

院

編

修<sub>臣</sub>

徐如澍

翰

林

院

編

修<sub>臣</sub>

戴均元

翰

林

院

編

修<sub>臣</sub>

周瓊

翰

林

院

編

修<sub>臣</sub>

吳錫麒

翰

林

院

編

修<sub>臣</sub>

程昌期

翰

林

院

編

修<sub>臣</sub>

甘立猷

翰

林

院

編

修<sub>臣</sub>

劉汝暮

翰

林

院

編

修<sub>臣</sub>

秦承業

翰林院編修臣俞廷掄

翰林院編修臣王受

翰林院編修臣盧蔭溥

翰林院編修臣萬承風

翰林院編修臣茹棻

翰林院編修臣邵瑛

文淵閣檢閱內閣中書臣顧宗泰

翰林院庶吉士臣陳萬全

翰林院庶吉士臣王錫奎

翰林院庶吉士臣賀賢智

翰林院庶吉士臣溫汝适

翰林院庶吉士臣崔景儀

翰林院庶吉士臣李驥元

翰林院庶吉士臣朱依炅

翰林院庶吉士臣程嘉謨

原任翰林院侍講候補主事臣莊承籤



原任翰林院庶吉士臣鄭應元

滿纂修官

理藩院主事臣巴達爾呼

工部筆帖式候補小京官臣齡椿

候補筆帖式臣嵩年

內閣貼寫中書臣明達

提調官

內閣侍讀臣西精額

文淵閣校理 武英殿提調翰林院檢討臣彭元琬  
收掌官

翰林院筆帖式庫蒙額

翰林院筆帖式鶴麟

欽定續通志凡例二十則

一通志本倣史記之例而成書故有本紀有列傳  
有譜以當表有略以當志其二十略叙事皆至  
唐而止紀傳及譜則訖於隋自序謂唐書五代  
史皆本朝大臣所修微臣所不敢議也今續纂  
紀傳應自唐始略則自五代始至明史紀傳成  
於

本朝我

皇上以大公至正之心彰善癉惡筆削維嚴具有全書

垂訓萬世無庸更為節錄

一本紀列傳通志多全錄舊史之文唐宋而下卷帙浩繁今所續纂務在勿冗勿漏其事之無關法戒人之無足重輕者槩從芟汰至正史而外若資治通鑑若綱目若紀事本末及傳記文集碑版間有可補正史之闕而糾正其謬者仍廣

為搜羅依類增輯並仿司馬光通鑑攷異之例  
將攷正異同分注本條下以資叅攷

一金史於本紀之前有世紀所以溯祖宗積累之  
功明一王受命之始然開基大畧未有不詳於  
本紀者今採附帝紀其世紀補所列追尊三宗  
照元史改入宗室傳以符鄭志體例若遼史所  
載西遼餘澤未泯猶存一綫未可遽行湮沒謹  
附錄本紀之後

一列傳名目各史不同班馬以后妃為外戚范蔚宗則為皇后紀通志皆不從而從三國晉史之例別為后妃傳其他外戚傳金史曰世戚孝友傳宋史曰孝義獨行傳唐宋遼史皆曰卓行循吏傳遼史曰能吏舊唐書元史皆曰良吏藝術傳諸史皆曰方技儒林傳唐書元史皆曰儒學文苑傳唐書金史皆曰文藝遼史曰文學又元史儒學傳合儒林文苑為一皆名異而實同今

悉依通志之名以昭畫一

一列傳次第各史互異唐書列外戚於列女之後  
列隱逸於循吏之前宋史列方技於列女之後  
列外戚於方技之後今依鄭氏原書之序首宗  
室次列傳次外戚次忠義孝友獨行循吏酷吏  
次孔氏後裔次儒林文苑隱逸次官者藝術佞  
倖次列女次載記次貳臣姦臣叛臣逆臣次四

夷

一列傳各史中分併互異如五代史家人傳今析入后妃宗室傳死節死事今併入忠義傳伶官併入佞倖獨行傳析入隱逸孝友宋史道學傳併入儒林元史儒學傳析入儒林文苑元史釋老傳併入藝術唐書宋史公主傳附綴后妃均依鄭志門類以從其朔

一皇太子皇子諸王例入宗室傳其追尊帝號者舊史俱不為區別魏收以景穆入帝紀後人譏



之鄭志統列宗室體例較嚴但其間有史分而志合者有史闕而志補者有史繫之列傳而志入宗室者自唐而下互有異同今悉依例彙輯於以傳繫事之中仍不失以表系世之意

一通志所載名目凡諸史不立此傳者皆從列傳採取以類相從如史記不立隱逸傳則採伯夷四皓諸人補之三國志不立忠義傳則取典韋諸人入之史記無方技之名而以司馬季主扁

鵲倉公傳移入藝術後漢書無孝友之名而以  
毛義江革諸人移入孝友是也今續通志即循  
此例如元史之伯勒格台六人入宗室傳托音  
色辰等三人補外戚傳宋史之周三臣入忠義  
五代史之馬重績趙延義入藝術唐之張昌宗  
張易之入佞倖均依類改輯其有本無專傳而  
無可補入者仍從其闕

一鄭志有孔子列傳今考自唐以後孔氏歷有襲

封我

朝於明史特立衍聖公傳表章聖裔甚盛典也茲採唐以下史傳叅之闕里文獻考諸書分列嫡嗣支庶按次彙輯為孔氏後裔傳

一鄭志有年譜異姓世家二門皆仿於史記按史記年表即本紀中詳著之文故班史以後不襲其體無妨闕如五代宋史雖各有世家其所載南唐吳越前後蜀南北漢諸國皆係偏隅分據

非封建諸侯比也鄭志本晉書之例於前涼西涼以及後梁蕭氏別稱載記體例最精今統歸載記不復更列世家之目又鄭志有游俠刺客滑稽貨殖四門亦本史記唐以後無可載並宜從闕

一列傳未備名目應為增修

國史劄立貳臣傳出自

審裁於旌別淑慝之中寓扶植綱常之意允昭褒貶

之至公實為古今之通義今亦恪遵

聖訓於前代別立此門較諸原書體例實詳且核焉  
至唐書之姦臣叛臣逆臣傳皆唐以前諸史所  
無而其目實不可易今悉攷核事迹增立姦臣  
叛臣逆臣三門列於貳臣之後

一有一人而兩史並為立傳者如裴矩李密王世  
充已見隋書而唐書亦載之王倫宇文虛中張  
邦昌劉豫宋金兩史俱有傳張特立金元兩史

俱有傳亦有一史之內一人而重傳者有父子兄弟分傳而彼此互複者名不勝數均刪併折衷以歸一是

一續纂諸略自五代始禮樂器服職官選舉之屬皆與史志相表裏今採取正史各志按代續編而鄭志食貨刑法災祥諸略於唐事亦多未備并採新舊唐書諸志以補其闕

一遼金元三朝氏族未有專書今詳加蒐輯如遼

之三耶律氏二審密氏金之白號黑號諸姓元  
之蒙古七十二族色目三十一種備著於篇  
一遼金元三朝文字史家所錄未有志書法之書  
故六書鮮有徵據契丹國志稱遼太祖以隸書  
之半增損作字金則有女真大字女真小字今  
皆不傳元蒙古字之制見於著述者有陶宗儀  
書史會要所載蒙古字母朱伯顏所載蒙古字  
韻其中謠誤相沿不一而足我

皇上欽定同文韻統綜以國書於蒙古字音字體無不賅備詳見

皇朝通志六書茲就三朝史冊所見者撮其大畧以次叙述

一鄭志天文略祇載丹元子步天歌而不詳推步之法七音略祇載字母內轉外轉諸圖而不詳合聲切音之法今所續纂各為詳載

一鄭志藝文略止載羣書目錄未具撰人爵里撰



述之家有姓名同而著書復同者如顏師古稱  
兩京房皆治易之類每易混淆今所續纂謹遵  
欽定四庫全書例以著錄存目分編於各書之下備  
載撰人姓名凡宋代諸書已登鄭志者不復列  
入其總類仍依鄭志為十二門每門細目則以  
四庫全書為準

一圖譜略鄭志首索象原學明用三篇以辨其源  
流次自周秦迄於北宋分撰記有記無二篇以

自  
凡例  
攷其存佚但樵局於見聞周秦圖譜至宋鮮有  
存者故記有篇祇總為一門而記無篇多至二  
十六門我

皇上稽古右文圖書大備又復蒐羅海內藏書

親加釐定自南宋而下圖譜孰有孰無瞭如指掌今  
於記有記無中各區為經學史乘天文地理政  
典學術藝事物類八門各門之下再為分晰名  
目斷自淳熙至於明季博採史志旁及畫譜書

目按類增輯若夫文人游藝涉筆成圖與夫私家譜牒偶見存留者無裨實學概不綴錄

一金石略鄭志所錄原本歐陽修趙明誠諸家著錄粗具撰人姓氏而於碑碣所在大半未詳蓋限於方域搜羅未廣亦時地為之也我

朝幅員遼濶車書大同周秦鐘鼎漢唐銘刻往往有晦於古而顯於今者今所續纂即依鄭志圖譜之例以今有今無分載取唐以前鄭志所未

著者為一卷五代以下為二卷分綴撰書姓氏  
建立年歲與現存之地詳確考覈其散佚難稽  
者另為一卷至前人著錄之誤魚為辨證焉

一昆蟲草木略鄭志分為八門已稱詳贍然郭注  
陸疏亦多未盡所謂通鳥獸之情狀察草木之  
精神者代有著述不厭搜羅今所續纂於鄭志  
未載者則補其遺已載者魚正其誤庶於諸經  
注疏足資考證

欽定四庫全書

欽定續通志卷一

唐紀一

臣等謹按自班固已後斷代為史而會通之義不著宋臣鄭樵作通志乃始探纂綴輯上下數千載綜具行事粲然成一家之言厥功偉矣顧以唐書五代史為本朝大臣所修不敢輕議故紀傳斷限逮隋而止今臣等奉

命續纂是書爰始有唐以迄於元君臣流例紀傳羣分  
大率皆取衷於鄭氏然鄭氏論次本紀三皇已降  
間採羣言兩漢而還全抄舊史良以規模粗定亟  
於成書參考異同有所未暇亦以馬班陳范史家  
鉅手辭本簡嚴無可更易故耳至若劉昫唐書薛  
居正五代史大抵冗蔓無法而本紀為尤歐陽修  
新修二史裁斷取捨仰師春秋顧其中亦或失之  
太簡且多與傳不合降而宋遼金元卷帙浩繁無

累滋甚臨文整事未易得所折衷且夫史有文質  
辭有詳畧當其各自為書原屬不相沿襲今既薈  
萃成編不得不裁定義類以著一書之通體故凡  
一王受命其祖宗之積累皆採附帝紀而如金史  
之前列世紀後列世紀補者無取也一時詔令有  
關於當日之治忽者間收存一二其或蹈常襲故  
多飾儷句與直書口語者不錄也日食必書而星  
變地震之屬別詳於災祥之畧君舉必書而視疾

臨喪之屬自具於諸臣之傳元老拜罷必書而庶  
官之遷秩不期其備雄藩重鎮移徙必書而節使  
之遙領或從其畧朝貢聘問非素所難致者不書  
而南北朝之使命往來必識也恩澤赦宥非出自  
曠典者不書而災荒州之給復賑恤必著也其他  
凡所採錄皆綜其畧而挈其要據事直書詞無予  
奪漏者補之謫者正之又其中或紀傳各出且有  
與他史互異者仍旁搜博考以歸畫一必其說本



相懸無可強合則亦詳為夾注用示傳疑惟諸書  
紀載月日往往不符事迹既非徑庭討論亦滋瑣  
屑茲則間為標識餘或闕如定著本紀凡七十卷  
要以詞約義該例明事備一洗原紀之疵類而歸  
於簡核以蘄有當於事增文省之義云爾

### 高祖

高祖皇帝姓李氏諱淵字叔德隴西成紀人七世祖暁  
當晉末據燉煌以自王是為涼武昭王暁生歆為沮渠

蒙遜所滅歆生重耳仕魏為弘農太守重耳生熙為金

門鎮將戍於武川因留家焉熙生天賜

舊唐書  
作天錫

為幢主

天賜生虎西魏時賜姓大野氏官至太尉與周文帝及  
太保李弼等皆為柱國當時號八柱國家周閔帝受魏

禪虎已卒乃追錄其佐命功封唐國公諡曰襄襄公生

昞襲封唐公安州總管柱國大將軍卒諡曰仁高祖仁

公子也七歲襲封唐公隋文帝獨孤皇后高祖之從母

也以故文帝與高祖相親愛文帝相周復高祖姓李氏



高祖遇疾不時謁高祖有甥王氏在後宮煬帝問之  
氏對以疾煬帝曰可得死否高祖聞之益懼因縱酒納

賂以自晦十一年拜山西河東慰撫大使擊龍門賊母

端兒又擊絳州賊敬樂陀柴保昌所向克捷

舊書不載  
擊絳州賊

新書祇言擊柴保昌而無敬樂陀今據隋書樊子蓋傳增輯

突厥犯塞高祖與馬邑

太守王仁恭擊之隋兵少不敵高祖選精騎二千為遊

軍居處飲食隨水草如突厥而射獵馳騁示以閒暇別

選善射者伏為奇兵虜見高祖疑不敢戰高祖乘而擊

之突厥敗走十三年拜太原留守擊高陽歷山飛賊甄  
翟兒於西河破之是時煬帝南遊江都天下盜起高祖  
子世民知隋必亡陰結豪傑招納亡命與晉陽令劉文  
靜等謀舉大事計已決而高祖未之知欲以情告懼不  
見聽高祖過裴寂飲酒酒酣從容寂具以世民所謀告  
之高祖大驚寂曰正為宮人奉公事發當誅故急而出  
此先是高祖留守太原領晉陽宮監而裴寂為副監寂  
高祖所善客也世民陰與寂謀寂因選晉陽宮人私侍

高祖及是寂以為言世民因亦入白其事高祖初欲不許已而許之然未有以發會突厥數犯邊高祖兵出無功煬帝遣使者執高祖詣江都高祖大懼世民曰事急矣可舉事已而煬帝復馳使者赦止高祖其事遂已是時劉武周起馬邑林士弘起豫章劉元進起晉安皆稱皇帝朱粲起南陽號楚帝李子通起海陵號楚王卽江海據岐州號新平王薛舉起金城號西秦霸王郭子和起榆林號永樂王竇建德起河間號長樂王王須拔起

恒定號漫天王汪華起新安杜伏威起淮南皆號吳王  
李密起鞏號魏公王德仁起鄴號太公左才相起齊郡  
號博山公羅藝據幽州左難當據涇馮盎據高羅皆號  
總管梁師都據朔方號大丞相孟海公據曹州號錄事  
周文舉據淮揚號柳葉軍高開道據北平張長孫據五  
原周兆據上洛楊士林據山南徐圓朗據兗州楊仲達  
據豫州張善相據伊汝王要漢據汴州時德戲據尉氏  
李義滿據平陵慕容公順據青萊淳于難據文登徐師順

據任城蔣弘度據東海王薄據齊郡蔣善合據鄆州田  
留安據章丘張青特據濟北臧君相據海州殷恭遂據  
舒州周法明據永安苗海潮據永嘉梅知巖據宣城鄧  
文進據廣州但首楊世畧據循潮舟安昌據巴東甯長  
真據鬱林其別號諸盜往往屯聚山澤而劉武周攻汾  
宮高祖乃集將吏告曰吾為留守而賊據離宮縱賊不  
誅罪當死然出兵必待報今江都隔遠後期奈何將吏  
皆曰國家之利可專者公也高祖曰善乃募兵旬日間



得衆一萬副留守虎賁郎將王威虎牙郎將高君雅見  
兵大集疑有變謀因禱雨晉祠以圖高祖高祖覺之乃

陰為備五月甲子高祖及威君雅視事開陽府司馬劉

政會

劉政會傳作  
鷹揚司馬

告威君雅反即坐上執之丙寅突厥

犯邊高祖令軍中曰人告威君雅召突厥今其果然遂  
殺之以起兵遣劉文静使突厥約連和六月己卯傳檄  
諸郡稱義兵開大將軍府置三軍以子建成為隴西公  
左領軍大都督左軍隸焉世民為燉煌公右領軍大都

督右軍隸馬元吉為姑臧公中軍隸馬裴寂為長史劉

文靜為司馬石艾縣長殷開山為掾

殷開山傳作太谷長

劉政會

為屬長孫順德王長諧劉弘基竇琮為統軍開倉庫賑

窮乏七月壬子高祖杖白旗誓衆於野有兵三萬以元

吉為太原留守癸丑發太原甲寅遣將張綸徇下離石

龍泉文城三郡丙辰次靈石營於賈胡堡隋虎牙郎將

宋老生屯於霍邑以拒義師丙寅隋鷹揚府司馬李軌

起武威號大涼王八月辛巳敗宋老生於霍邑丙戌下

臨汾郡辛卯克絳郡癸巳次龍門突厥遣其將率兵五百人馬二千匹與劉文静來會隋驍衛大將軍屈突通守河東絕津梁壬寅馮翊賊孫華土門賊白玄度皆具舟以來逆九月戊午高祖領太尉加置僚佐以少牢祀河乃濟甲子次長春宮丙寅隴西公建成司馬劉文静屯永豐倉兼守潼關燉煌公世民自渭北徇三輔所至皆下高祖從父弟神通起兵於鄠柴氏婦高祖女也亦起兵於司竹皆與世民會郿賊丘師利李仲文盩厔賊

何潘仁向善思宜君賊劉炅等皆來降因畧定鄆杜壬  
申高祖次馮翊乙亥燉煌公世民屯阿城隴西公建成  
自新豐趨霸上丙子高祖率大軍自下邳而西所經過  
行宮苑築悉罷之出宮女還其家十月辛巳次長樂宮  
有衆二十萬隋留守刑部尚書衛文昇等奉代王侑守  
京城高祖遣使諭之不報乃圍之下令曰犯隋七廟及  
宗室者罪三族丙申隋羅山令蕭銑自號梁公十一月  
丙辰克京城命主符郎宋公弼收圖籍約法十二條殺

人劫盜背軍叛者死癸亥遙尊煬帝為太上皇立代王  
為皇帝大赦改元義寧甲子高祖入京師至朝堂望闕  
而拜隋帝授高祖假黃鉞使持節大都督內外諸軍事  
大丞相錄尚書事進封唐王以武德殿為丞相府下教  
曰今視事於虔化門十二月癸未隋帝贈唐襄公為景  
王仁公為元王夫人竇氏為唐國妃諡曰穆以建成為  
唐國世子世民為唐國內史徙封秦國公元吉為齊國  
公丞相府置長史司錄以下官

置丞相府官屬創業  
起居注在十一月趙

郡公孝恭徇山南甲辰雲陽令詹俊徇巴蜀河池太守  
蕭瑀以郡降二年正月丁未隋帝詔唐王劍履上殿入  
朝不趨贊拜不名加前後羽葆鼓吹戊午周兆降戊辰  
世子建成為左元帥秦國公世民為右元帥循地東都  
二月己卯太常卿鄭元璿定樊鄧使者馬元規徇荆襄  
三月己酉齊國公元吉為太原道行軍元帥乙卯世民  
徙封趙國公丙辰隋右屯衛將軍宇文化及弒太上皇  
於江都立秦王浩為皇帝吳興郡守沈法興據丹陽自

稱江南道總管樂安人盧祖尚據光州自稱刺史戊辰  
隋帝進唐王位相國總百揆備九錫唐國置丞相等官  
立四廟四月己卯張長慈降辛巳停竹使符班銀菟符  
五月乙巳隋帝命唐王寬十有二旒建天子旌旗出警  
入蹕甲寅王德仁降戊午隋帝遜於位以刑部尚書蕭  
造司農少卿裴之隱奉皇帝璽紱於唐王三讓百寮上  
表勸進乃受改大興殿為太極殿甲子即皇帝位於太  
極殿命蕭造兼太尉告於南郊大赦改隋義寧二年為

唐武德元年賜百官爵一級義師所過給復三年其餘  
給復一年改郡為州太守為刺史隋東都留守元文都  
左武衛大將軍王世充立越王侗為皇帝壬申命裴寂  
等修律令六月甲戌趙國公世民為尚書令裴寂為尚  
書右僕射知政事劉文静為納言隋民部尚書蕭瑀丞  
相府司錄參軍竇威為內史令廢隋大業律令頒新格  
己卯追諡皇高祖曰宣簡公皇曾祖曰懿王皇祖曰景  
皇帝廟號太祖祖妣梁氏曰景烈皇后皇考曰元皇



帝廟號世祖妣獨孤氏曰元貞皇后妃竇氏曰穆皇后  
備法駕迎宣簡公巳下神主祔於太廟庚辰立世子建  
成為皇太子封世民為秦王元吉齊王癸未薛舉寇涇  
州命秦王世民為西討元帥劉文静為司馬太僕卿宇  
文明達招慰山東乙酉奉隋帝為鄴國公詔前隋蔡王  
智積等子孫皆選用之癸巳禁言符瑞者辛丑竇威薨  
黃門侍郎陳叔達判納言將作大匠竇抗兼納言秋七  
月壬子劉文静及薛舉戰於涇州敗績乙卯郭子和降

庚申廢隋離宮八月壬申劉文静除名戊寅約功臣恕

死罪辛巳薛舉死子仁果復僭稱帝

按新舊紀暨薛舉  
皆作仁果房玄

於高祖實錄先作仁果後作仁果太宗實錄吳兢太宗  
勳史革命記焦璐唐朝年代記陳藏唐紀記皆作仁果

壬午李軌降甲申巖州刺史王德仁殺招慰使宇文明

達以反己丑秦王世民為西討元帥討薛仁果庚子贈

隋太常卿高頴上柱國鄭國公上柱國賀若弼杞國公

司隸大夫薛道衡上開府臨河縣公刑部尚書宇文愷

上開府平昌縣公左翊衛將軍董純柱國狄道公右驍

衛將軍李金才上柱國申國公左光祿大夫李敏柱國  
觀國公諸遭隋枉殺而子孫被流者皆還之九月乙巳  
親慮囚徒甲寅秦州總管竇軌及薛仁果戰敗績辛未  
追諡隋太上皇為煬帝宇文化及殺秦王浩自稱皇帝  
冬十月壬申朔日有食之己卯李密降壬午朱粲陷鄧  
州刺史呂子臧死之乙酉邛江海降癸巳詔行傅仁均  
所造戊寅厯辛丑大闕是月竇抗罷十一月竇建德敗  
王須拔於幽州須拔亡入於突厥己巳涼王李軌反戊

申禁獻侏儒短節小馬庫牛異獸竒禽己酉秦王世民  
大破薛仁果於淺水原降之隴右平癸丑行軍總管趙  
慈景攻蒲州隋刺史堯君素拒戰執慈景癸亥秦王世  
民俘薛仁果以獻詔頒五十三條格十二月壬申世民為  
太尉丙子蒲州人殺堯君素立其將王行本辛巳鄭元  
璠及朱粲戰於高州敗之乙酉如周氏陂丁亥至自周  
氏陂庚子光祿卿李密反伏誅是歲高開道陷漁陽號  
燕王

二年春正月甲子陳叔達兼納言丙寅張善相降己巳  
楊士林降二月乙酉初定租庸調法令文武官遭父母

喪者聽去職甲午赦并浩介石四州賈胡堡以北繫囚

閏月

按新唐書紀閏之例前月有事可書者祇書閏月  
此年二月乙酉初定租庸調法閏月實建德陷邢

州是也前月無事可書則書閏某月高宗顯慶二年閏  
正月壬寅如洛陽宮是也今自五代以下一皆倣此例

書實建德陷邢州執總管陳君賓辛丑實建德殺宇文

化及於聊城朱粲降壬寅皇太子及秦王世民裴寂巡  
於畿縣乙巳御史大夫段確勞朱粲於菊潭己酉李密

舊將徐世勣以黎陽之衆及河南十郡降庚戌徵行察  
風俗左屯衛將軍何潘仁及山賊張子惠戰於司竹死  
之丁巳慮囚庚申驍騎將軍趙欽王婆羅及山賊戰於  
盤屋死之丁卯王世充陷殷州陟州刺史李育德死之  
三月甲戌王薄降庚辰蔣弘度徐師順降丁亥竇建德  
陷趙州丁酉李義滿降夏四月秦公順降庚子并州總  
管齊王元吉及劉武周戰於榆次敗績辛丑朱粲殺段  
確以反乙巳王世充廢越王侗自稱皇帝癸亥陷伊州

執總管張善相五月己卯鄜國公薨

新書係八月丁酉

庚辰涼

州將安修仁執李軌以降癸未曲赦涼甘瓜鄯肅會蘭

河廓九州六月王世充殺越王侗戊戌立周公孔子廟

於國子監庚子竇建德陷滄州丁未劉武周陷介州癸

亥裴寂為晉州道行軍總管以討之離石胡劉季真叛

陷石州刺史王儉死之秋七月壬申徐圓朗降置十二

軍分隸關內諸府

新書在元年九月

八月甲子竇建德陷沼州

執總管袁子幹九月辛未殺戶部尚書劉文静

舊書在十月

李子通自稱皇帝沈法興自稱梁王丁丑杜伏威降裴  
寂及劉武周戰於介州敗績右武衛大將軍姜寶誼死  
之庚辰竇建德陷相州總管呂珉死之辛巳劉武周陷  
并州庚寅竇建德陷趙州執總管張志昂梁師都寇延  
州鄜州刺史梁禮死之冬十月己亥羅藝降乙卯如華  
陰壬戌劉武周寇晉州永安王孝基及工部尚書獨孤  
懷恩陝州總管于筠內史侍郎唐儉討之是月夏縣人  
呂崇茂反秦王世民討劉武周十一月丙子竇建德陷



黎州

按革命記黎陽陷在十月而新舊書俱在一月丙子木之實錄蓋以奏到之日言也

執淮

安王神通總管李世勣十二月丙申獵於華山永安王

孝基及劉武周戰於下邳敗績

按舊書云永安王孝基工部尚書獨孤懷恩總

管千筠為劉武周將宋金剛掩襲並沒馬與新書詳畧不同然其所云為劉武周將宋金剛掩襲者非宋金剛也呂崇茂求救於金剛金剛遣其將尉遲敬德協助之也戰於下邳者非下邳也乃夏縣也永安王傳云夏縣人呂崇茂殺縣令以應賊孝基等攻之會尉遲敬德與崇茂夾攻官兵孝基及筠等皆被執劉武周傳云永安王孝基等進取夏縣不能克單於城南崇茂與尉遲敬德襲破孝基營四將俱沒二傳所載俱同又夏縣屬解州括地志云安邑故城是武周所寇止於汾晉未嘗自河而南至下邳也又四將俱沒而舊書則遺唐倫新書

陸云孝基均有脫誤 又按劉世讓傳云從永安王討呂崇茂於夏縣軍敗為賊所獲更可知被執者不止四將而下邳之當為

夏縣益足証矣

三年春正月己巳獵於渭濱戊寅王行本降辛巳如蒲州癸巳至自蒲州二月庚子如華陰甲寅獨孤懷恩謀

反伏誅辛酉檢校隰州總管劉師善謀反伏誅三月庚

午

舊書作己卯然上有辛酉下有甲戌中間不得有己卯也今從新書

改納言為侍中內

史令為中書令甲戌中書侍郎封德彝兼中書令乙酉

劉季貞降夏四月壬寅至自華陰甲寅秦王世民及宋

金剛戰於雀鼠谷敗之辛酉王世充陷鄧州總管雷四  
郎死之壬戌秦王世民及劉武周戰於洺州敗之武周  
亡入於突厥并州平五月壬午秦王世民屠夏縣六月  
丙申赦晉隰路并四州癸卯詔隋帝及其宗室柩在江  
都者為營窆置陵廟丙午慮囚封子元景為趙王元昌  
魯王元亨鄴王已酉出宮女五百人賜東征將士有功  
者甲寅顯州長史田瓚殺行臺尚書令楊士林叛附於  
王世充乙卯涇州縣暴骨秋七月壬戌秦王世民討王

世充甲戌皇太子屯於蒲州以備突厥丙戌梁師都導  
突厥稽胡寇邊行軍總管段德操敗之八月庚子慮囚  
甲辰時德睿降九月癸酉田瓚降己丑給復陝鼎熊毅  
四州二年冬十月戊申高開道降己酉楊仲達降十二  
月己酉瓜州刺史賀拔行威反

四年春正月丁卯竇建德行臺尚書令胡大恩以大安  
鎮來降辛巳皇太子伐稽胡二月竇建德陷曹州執孟  
海公己丑車騎將軍董阿興反於隴州伏誅乙巳太常

少卿李仲文謀反伏誅丙午慮囚丁巳赦代州總管府  
石嶺之北三月庚申慮囚乙酉竇建德陷管州刺史郭  
志安死之夏四月壬寅齊王元吉及王世充戰於東都  
敗績行軍總管盧君諤死之戊申突厥寇并州執漢陽  
郡王瓌太常卿鄭元璠左驍騎衛大將軍長孫順德甲

寅封子元方為周王元禮鄭王元嘉宋王元則荆王元

茂越王

新舊書本紀皆云元茂越王按高祖諸子傳周  
王元方武德四年始王與鄭宋荆滕四王同封

徐康王元禮始王鄭韓王元嘉始王宋彭思王元則初  
王荆鄭懿王元懿始王滕與本紀所書即是一事吳煥

糾繆據此謂元茂越王當作元懿滕王為是

丁巳左武衛將軍王君廓敗張

青特執之五月壬戌秦王世民敗竇建德於虎牢執之

河北悉平乙丑赦山東為建德所註誤者戊辰王世充

降河南平庚午周法明降六月庚寅赦河南為王世充

所註誤者戊戌蔣善合降庚子營州人石世則執其總

管晉文衍叛附於靺鞨乙卯臧君相降秋七月甲子秦

王世民俘王世充以獻丙寅竇建德伏誅流王世充於

蜀 謹按通鑑輯覽

御批世充建德隋竊相同而世充尚餘  
篡弒之罪乃一赦一誅輕重倒置矣  
丁卯大赦給復天下

一年陝鼎函魏虞芮幽七州二年廢五銖錢行開元通

寶錢甲戌劉黑闥反於貝州辛巳戴州刺史孟暉鬼反

伏誅八月丙戌朔日有食之丁亥皇太子安撫北境丁

酉劉黑闥陷鄆縣魏州刺史權威貝州刺史戴元祥死

之癸卯突厥寇代州

按突厥寇代州舊書不載於紀新書於紀則云執行軍總管王孝基

突厥傳則云執行軍總管永安王孝基又永安王孝基傳云武德二年劉武周寇太原孝基為尉遲敬德呂崇茂所敗被執謀亡歸為賊所害似不應四年復為突厥所執也新紀誤  
丁未劉黑闥陷歷

亭屯衛將軍王行敏死之辛亥深州人崔元遜殺其刺  
史裴晞叛附於劉黑闥兗州總管徐圓朗反九月盧祖尚  
降乙卯淳于難降甲子汪華降冬十月己丑秦王世民  
為天策上將軍領司徒齊王元吉為司空庚寅劉黑闥  
陷瀛州執刺史盧士叡又陷觀州癸卯毛州人董煜明  
殺其刺史趙元愷乙巳夔州總管趙郡王孝恭敗蕭銑  
於江陵執之荊州平閏月乙卯如稷州己未幸舊豐壬  
戌獵於好畤乙丑獵於九陵丁卯獵於仲山戊辰獵於



清水谷遂幸三原辛未如周氏陂壬申至自周氏陂十  
一月甲申有事於南郊庚寅李子通降丙申子通謀反  
伏誅壬寅劉黑闥陷定州總管李玄通死之庚戌杞州  
人周文舉殺其刺史王孝矩叛附於黑闥蔚州總管高  
開道反十二月乙卯黑闥陷冀州總管麴稜死之甲子

左武侯將軍李世勣及黑闥戰於宋州

考異云舊地理志武德四年置

宋州於宗城縣  
宋字當作宗

敗績丁卯秦王世民齊王元吉討黑闥

己巳黑闥陷邢州庚午陷魏州總管潘道毅死之辛未

陷業州

考異云實錄作莘州新書作業州按地理志無業州必莘州也十道志開皇十六年於莘縣置

莘州壬申徙封元嘉為徐王

五年春正月乙酉劉黑闥陷相州刺史房晃死之丙戌

殷恭邃降丁亥濟州別駕劉伯通執其刺史竇附本叛

附於徐圓朗庚寅東鹽州治中王才藝殺其刺史田華

叛附於劉黑闥丙申相州人殺其刺史獨孤徹以其州

叛附於黑闥

按正月乙酉劉黑闥已陷相州此云相州人殺獨孤徹以附黑闥州名疑誤實錄作

稌州人按地理志無稌州實錄亦誤

己酉楊世畧劉元進降二月王要漢

降己巳秦王世民克邢州丁丑劉黑闥陷洺州總管羅士信死之戊寅汴州總管王要漢敗徐圓朗於杞州執周文舉三月戊戌譚州刺史李義滿殺齊州都督王薄丁未秦王世民及劉黑闥戰於洺水敗之盡復所陷州縣黑闥亡入於突厥高開道寇易州刺史慕容孝幹死之夏四月丹安昌降己未甯長真降戊辰釋流罪以下獲麥壬申代州總管李大恩及突厥戰死之戊寅鄧文進降五月田留安降庚寅瓜州人王幹殺賀拔行威以

降乙巳賜荊州今歲田租六月辛亥劉黑闥與突厥寇  
山東車騎將軍元韶為瓜州道行軍總管以備突厥癸  
丑吐谷渾寇兆旭疊三州岷州總管李長卿敗之乙卯  
淮安王神通討徐圓朗秋七月甲申作弘義宮甲午淮  
陽王道玄為河北道行軍總管討劉黑闥貝州人董該  
以定州叛附於黑闥丙申突厥殺劉武周於白道遷州  
人鄧士政反執其刺史李敬昂丁酉馮盎降嶺表悉定  
八月辛亥葬隋煬帝

考異云實錄武德三年六月癸卯  
已有詔葬隋帝及子孫此又云葬

隋煬帝蓋三年孝子通猶據江都雖有是詔不果行也

甲寅吐谷渾寇岷州益州

道行臺左僕射竇軌敗之乙卯突厥寇邊庚申皇太子出幽州道秦王世民出秦州道以禦突厥己巳吐谷渾陷洮州并州總管襄邑王神符及突厥戰於汾東敗之戊寅突厥陷大震闕九月癸巳靈州總管楊師道敗之於三觀山丙申洪州總管宇文歆又敗之於崇岡壬寅定州總管雙士洛驃騎將軍魏道仁又敗之於恒山之陽丙午領軍將軍安興貴又敗之於甘州劉黑闥陷瀛

州刺史馬匡武死之東鹽州人馬君德以其州叛附於  
黑闥冬十月己酉齊王元吉討黑闥癸丑貝州刺史許  
善護及黑闥戰於鄆縣死之甲寅觀州刺史劉君會叛  
附於黑闥乙丑淮陽王道玄及黑闥戰於下博死之己  
巳林士弘降十一月庚辰劉黑闥陷滄州甲申皇太子  
討黑闥丙申如宜州癸卯獵於富平北原十二月丙辰  
獵於萬壽原戊午劉黑闥陷恒州刺史王公政死之庚  
申至自萬壽原壬申皇太子及劉黑闥戰於魏州敗之

甲戌又敗之於毛州

六年春正月己卯劉黑闥將葛德威

劉黑闥傳作諸葛德威

執黑闥

以降山東平壬午雋州人王摩娑反驃騎將軍衛彥討

之庚寅徐圓朗陷泗州二月劉黑闥伏誅

舊書作皇太子斬劉黑闥

於魏州在五年十二月

庚戌幸溫湯壬子獵於驪山甲寅至自溫

湯丙寅行軍總管李世勣敗徐圓朗執之

按舊書徐圓朗傳云太宗

平黑闥追師曹州遣淮安王神通及李世勣攻圓朗是平徐圓朗應在六年二月不應遲至七年也舊紀誤

又按新舊書徐圓朗傳皆云圓朗窮蹙夜遁為野人所殺新舊紀云執之亦誤

三月苗海潮梅

知巖左難當降乙巳洪州總管張善安反夏四月己酉吐蕃陷芳州己未以故第為通義宮祭元皇帝元貞皇  
后於舊寢赦京城繫囚賜從官帛辛酉張善安陷孫州  
執總管王戎丁卯南州刺史龐孝泰反陷南越州壬申

封子元璿為蜀王

吳鎮曰高祖諸子二十二人本傳並無名元璿者按霍王元軌傳云武德

六年始王蜀與幽漢二王同封後從吳興此高祖所書封徙皆同又貞觀十年徙王霍今以紀考之武德六年王蜀及八年徙封吳者皆名元璿而貞觀十年徙封霍者則名元軌豈初名元璿後改為元軌歟似傳漏載其改名一事矣抑止名元軌而高祖誤以為元璿歟又云按舊唐紀武德六年雖不載元軌初封蜀王等事然



八年亦書云十一月改封蜀王元軌為吳王其名止是元軌不足元璿已與新書不同由是觀之疑新書之有

誤元慶漢王癸酉裴寂為尚書左僕射蕭瑀為右僕射

封德彝為中書令吏部尚書楊恭仁兼中書令檢校涼州諸軍事五月庚寅吐谷渾党項寇河州刺史盧士良敗之癸卯高開道以奚寇幽州長史王說敗之六月丁

卯突厥寇朔州總管高滿政敗之曲赦朔州秋七月丙

子沙州別駕竇伏明反殺其總管賀若懷廓己亥皇太子屯於北邊秦王世民屯於并州以備突厥八月壬子

淮南道行臺左僕射輔公祏反乙丑趙郡王孝恭討之  
九月壬辰秦王世民為江州道行軍元帥丙申渝州人  
張大智反冬十月丙午殺廣州都督劉世讓戊申降死  
罪流以下原之己未如華陰張大智降庚申獵於白鹿  
原壬戌右虞候率杜士遠殺高滿政以朔州反丁卯突  
厥請和十一月壬午張善安襲殺黃州總管周法明丁  
亥如華陰

此如華陰舊志無之前此十月如華陰而  
不言至自華陰疑有脫漏或此係衍文 辛

卯獵於沙苑丁酉獵於伏龍原十二月壬寅朔日有食

之癸卯張善安降甲寅至自華陰

七年春正月庚寅鄆州人鄧同穎殺其刺史李士衡二月丁巳釋奠於國學己未漁陽步將張金樹殺高開道以降三月初定官制戊戌趙郡王孝恭敗輔公柝執之丹陽平己亥孝恭殺越州都督闕稜夏四月庚子大赦班新律令初定均田租庸調法

謹按通鑑輯覽

御批均田蓋徵井田遺意然每丁各給一頃生齒繁行時地將何出且歲造計帳予奪紛更徒滋擾耳宜乎法創不久

尋即廢格也

給復江州道二年揚越一年五月丙戌作仁智宮

於宜君縣六月辛丑如仁智宮壬戌慶州都督楊文幹  
反秋七月己巳突厥寇朔州總管秦武通敗之癸酉慶  
州人殺楊文幹以降甲午至自仁智宮閏月己未秦王  
世民齊王元吉屯於幽州以備突厥八月戊辰突厥寇  
并己巳吐谷渾寇鄯州驃騎將軍彭武傑死之戊寅突  
厥寇綏州刺史劉大俱敗之壬辰突厥請和丁酉裴寂  
使於突厥冬十月丁卯如慶善宮辛未獵於鄂南癸酉  
幸終南山丙子謁樓觀老子祠庚寅獵於圍川十二月

丁卯如龍躍宮戊辰獵於高陵庚午至自高陵太子詹  
事裴矩檢校侍中

八年春二月癸未慮囚夏四月甲申如鄠獵於甘谷作  
太和宮丙戌至自鄠六月甲子如太和宮秋七月丙午

至自太和宮丁巳秦王世民屯於蒲州以備突厥

按舊書六

月突厥寇定州命皇太子往幽州秦王往并州以備突厥與柳芳唐曆同新書只言七月秦王屯蒲州則本之

高祖實錄也

八月壬申并州行軍總管張瑾及突厥戰於太

谷敗績鄠州都督張德政死之執行軍長史溫彥博甲

申任城郡王道宗及突厥戰於靈州敗之丁亥突厥請  
和冬十月辛巳如周氏陂獵於北原壬午如龍躍宮十  
一月辛卯如宜州獵於西原裴矩罷庚子講武於同官  
天策府司馬宇文士及權檢校侍中辛丑徙封元壽為  
吳王元慶陳王癸卯秦王世民為中書令齊王元吉為  
侍中癸丑獵於華池北原十二月辛酉至自華池庚辰  
獵於鳴犢泉辛巳至自鳴犢泉

九年春正月甲寅裴寂為司空二月庚申齊王元吉為

司徒三月庚寅幸昆明池習水戰壬辰至自昆明池丙  
午如周氏陂乙卯至自周氏陂丁巳突厥寇涼州都督  
長樂郡王幼良敗之夏四月辛巳廢浮屠老子法六月  
庚申秦王世民殺皇太子建成齊王元吉

謹按

御製全韻詩注云司馬光云高祖所以有天下皆太宗之功  
隱太子以庸劣居其右地嫌勢逼必不相容鄉使高祖有  
文王之明隱太子有泰伯之賢太宗有子臧之節則亂何  
自而生哉其論最為允當惜唐高祖當日見不及此徒拘  
立嫡以長之說遂使釁起  
家庭而致太宗之失德也

大赦復浮屠老子法癸亥立秦  
王世民為皇太子聽政賜為父後者襲勳爵免民逋租

宿賦庚辰幽州都督廬江王瑗反伏誅癸未赦幽州管  
內為瑗所誣誤者秋七月辛卯楊恭仁罷太子右庶子  
高士廉為侍中左庶子房玄齡為中書令蕭瑀為尚書  
左僕射癸巳宇文士及為中書令封德彝為尚書右僕  
射八月丙辰突厥請和壬戌吐谷渾請和癸亥詔傳位  
於皇太子甲子皇太子即皇帝位貞觀三年太上皇徙  
居大安宮九年五月崩於垂拱前殿年七十

新書作七  
十一沈炳

震曰自周天和元年丙戌至貞  
觀九年己未止七十當從舊書

謚曰太武廟號高祖陵



曰獻陵上元元年改謚神堯皇帝天寶八載謚神堯大  
聖皇帝十三載增謚神堯大聖大光孝皇帝

高祖武德九年

欽定續通志卷一